

吾所以忍技癢不操稍者欲使舊君知吾將帥之
畧也已師即再興吾必踐前言矣明年四月戰于
扭井團奮稍力戰而死

訓篇第二

照后在參嘗獲巨鯉三長各數尺命畜以備天使
之饗也已而喪其一詰守者守者曰頃鈴木久三
稱受賜取而適厨煮而食之亦饌旁人并織田氏
所餽酒啟緘竭之質之厨吏信照后大怒召久

三抽長刀立而竦焉久三投刀袒而入瞋目大罵
曰愚哉將也以魚鳥比人命焉能濟大業照后
愕捨長刀入而坐熟思久之是時卒繫獄者二人
其一捕鳥于獵獲其一罟魚于城湟照后謂久
三為此死諫於我也乃叙二卒而謝久三

○神谷始仕未祿途遇雅樂避路而拜焉雅樂適
有所念弗之知也神谷忿他日遇輒不為禮照
后聞其不遜也欲黜之而無公罪且慮雅樂因此

獲謗也初許祿一千乃牒授八百冀其自引太也未下雅樂請曰如神谷者當增焉不可減 照后告之故雅樂曰臣職冠多士誰敢不敬神谷則直不阿是其所可任用矣然則如之何雅樂曰倍為可 照后難之於是諸老集議竟予一千五百石神谷造雅樂感泣而謝

○照后善守舊制其在參也政吏一循祖法無所變更其取甲也修武田氏之索其蒞八州也用北條氏之索但田租並輕於舊故民之歸焉如流水

○照后幼在熱田人或獻小禽能成衆鳥色觀者皆奇之 照后命還之曰鳥多慧無定音人多技無匿智

○太公嘗觀成瀨小吉調馬壯之問其祿曰二千太公曰若仕於我我能予五萬他日言之 照后照后命小吉往辭焉強之則欲自殺以自明焉 照后乃為辭之太公太公笑曰吾素知其如是所

以欲獲焉耳。

○雅樂傳世子大炊伯耆副之雅樂簡重嚴威世子敬之伯耆剛直敢言世子憚之大炊和柔善導世子愛之伯耆所言或弗納固執弗已至于祖而請又大炊在旁謂其太甚已而承間從容稱其言之善且慮雅樂之弗懌故言鮮弗從

老篇第三

太后疾病遺命曰子秀賴年幼未可立天下事一煩德川氏之料理吾聞天下非一人之天下天下之天下也唯願上下一和以利天下之民秀賴至年二十即不肖非統天下之器則內府永撫天下既而就職尔開眼曰吾死且秘喪急遣彈正治部赴筑紫台征韓師還吾弗忍使十萬師為異邦枯骨亦日域之耻也於是諸公洒涕各獻盟書於是夫人群屢涕泣附耳多所乞請太公病困不堪其煩因揮手曰唯稱我命汝等善為之勿復相聞也遂歿是以後事大變

難篇第四

慶長十六年、豐內府如京師、遇照后于二條也。時生十九年矣、藤肥州從焉、行止未嘗離左右也。既還舍、就寢、懷中探匕首、加之額、涕泣數行曰、臣今日報太公之德、矢其意、蓋謂是行有變、當效死、亦必弗獨死也。○浪華冬役、照后親巡圍城南、矢丸如雨、侍臣皆扣馬而諫、照后不可、曰、死生有命、橫田甚衛曰、此公天性愛矢石之急也、諸子退矣、乃言曰、聞城西窘于大丸、殆弗能師、為請往而視焉、因牽輿而西、遂入阿波營、西面城遠、矢丸不達、甚衛之策也。

○淺野氏士牧野金彌獲甲首而獻、軍吏方註第一功、山城半左亦獻焉、金彌曰、子之功實第一矣、吾乃在二、吾鬪在二、陳途近來早、子則在先鋒、道遠來遲、采女正嘉其有讓也、命註之半左先鋒第一功、金彌二陣第一功、由是二人分押左右之班。

○奧士有蒲倉仁兵、獻甲首為第一功、少之一步士

亦獻焉。仁兵曰：子乃第一耳。吾騎子步，遲速相懸，獲首之時，子必早於我矣。步士曰：騎步亡論已，但獻之早晚自然次第相讓。久之，正宗聞之，喜甚，乃言曰：騎之第一為蒲倉步之第一，為某人皆時優其賞。

○總篇第五

大洼七郎衛之隸士曰久藏。杉浦氏大井之役傷而後

七郎衛下而授馬，久藏曰：驚哉！將也。臣等螻蟻十百，死何害？將之死生，關於國事，臣誓弗乘矣。七郎衛曰：乘否在汝，吾則舍馬而往也。步而先焉，或扶久藏，強乘之，以免。

○長篠城告急，照后興師援之。尾師五萬助焉，乃使鳥居強衛反報焉。夜傳城下而獲焉。勝賴賂之，使反其言，許之，引至城下，則達命矣。勝賴怒，磔殺之。

○長篠之役，山縣三郎兵率奔師而反戰。右手持丸，左手揮麾，左手亦傷焉。乃口啣麾，馳驟又一丸擊其

中墜馬，啣麾而死。

○馬場美濃將死，息于丘，望後而立。真田兵部在旁，賭兵來衆，請往爲美濃曰：且安之，少焉曰可也。主君已踰援橋矣，下丘而死。

○關原之役，長政使泆齋請事，會斥士還白，鍋島氏移軍于山。照后訪其久近，泆齋對曰：行未久也。時天未明，霧深，怪而詰之。泆齋曰：臣經其軍所，扶馬矢見其內尚溫。

○正則使毛屋主水請事，昭后訪焉，西師多少，對曰：不踰二三萬。照后曰：斥者咸言十有餘萬，汝獨何少之。主水曰：臣唯料其鬪軍耳，若數其不鬪者，固踰於十矣。是時尾筑諸軍多潛送款者，故照后深嘉其對。

○大洼相州以譖毀獲罪，流于湖。是時方治秋，賊於京師，稽首受命。京師訛言大洼氏發軍拒命，上下騷擾，忠隣聞之，命草索束兵甲，旦日送于京兆府，訛言乃止。或謂相州君蓋自辨爲忠。

隣曰、然辨必察焉、是顯君之過也、吾所弗為矣、
感篇第六

班鳩平去越而西遊、藤肥州欲祿之、令人詢其
所須、平曰、廩食足矣、平之在越、食二千石、故怪
而詰之、平曰、吾在越積勞受祿、今此來未有功
也、夫銜舊饗新、越人所不為也、請受廩食而委
質、後效戰功、請輒增五百、則授非徒授、受非虛
受、乃如其言、朝鮮之役、平之殊功七、竟食三千
五百、

○美方之敗、追急、照后回馬親當之、棗長衛攬轡
曰、非大將死所也、挽轉而後、倒戟擊馬臀、馬逸不能
止、時惶急、鐵誤汰御曹、既免、長衛曰、戟擊主、其罪大
矣、反入敵而死、

○嘗遣左右相戰地、還、自右有深泥、照后親往察之、
時初夏、着素袷、謬陷墜于泥、泥沒腰、左右驚救之、而
還、一軍皆覩焉、及戰、莫有陷焉者、

○照后攻二股、遭甚、雨不克、內藤四郎左居守、軍夜還、弗得入、忠勝敲門而號焉、四郎左在樓上、命擁銃鑽燧、走而白之、照后乃單騎踵門、呼曰、四郎左、我還也、於是縋炬諦視、然後開門。

○近侍寵臣成瀨等數人、同日賜食邑、皆萬石、唯安藤帶刀受橫管、獨為五千、厥後嘗訪諸侍曰、汝等皆萬石侯矣、為政何如、成瀨避坐頓首曰、臣等受恩皆萬石、唯帶刀獨五千、照后聞之、大愕曰、吾乃以橫管為萬石也、汝等勲勞一也、祿豈有差等、然而直次不形于辭色者、十有餘歲矣、不亦貞乎、即日命增邑、并計五千十餘年租、賜之、於是安藤氏獨富。

○高虎晚年、真一函于廳曰、國人欲殉於我者、簡記姓名投焉、投者四十餘人、既而在駿邸、亦得三十人、高虎封簡而獻焉、曰、此皆迨臣之子孫、能守節效死者也、請假上命禁殉、照后嘉而聽之。

○直家疾病曰、我死在近、嗟誰可從我者、侍臣皆請殉。

馬喜而觴之、記而寘之棺下、呂戶川肥後而問焉、肥後曰、人各有能有不能、夫陷堅挫銳、守節效死、是臣之所能也、若殉則臣不能焉、君若求殉者、莫若沙門也、幽顯塗異、沙門下火之誦、猶言能引導迷者、而成佛、況親殉而導焉、必能引君到善處矣、臣等戰場殺人多矣、必墮修羅道者焉、能道君且沙門無汗馬之勞、夫石之危而君之尊敬寵賜、十倍于臣等、則以恩遇之渥而殉焉、亦沙門宜在第一、

○上野重長與憲政戰而敗、遂降為誘拘之別館守衛、嚴固弗得歸、重長悔降、大息曰、我死矣、夫吾寧為戰場之鬼、則不辱矣、月岡左門曰、臣請自殺、君使人持至、首先告于門曰、憲君鬱抑發狂、手刃侍者、月岡請出棄焉、君因臥于草席中、隨而出、則可、重長佯笑曰、曩者戲言耳、左門宵留書而死、曰、必如臣之言、重長視之悲泣、遂如其言、且日其老告焉、東條左近在門曰、席中有久請一捨驗死生、然後出之、老怒曰、同

僚之屍，寧忍視人傳於我。他日君則能忍與，左近笑曰：以月岡之忠，吾子之智，而主遭難，豈非天邪？竟不許出，乃反。是夜左近潛來見老曰：今日之事，人各有職，勿相尤也。然月岡之忠不可棄也。明且我具代更在別人，吾子其用前策試之。明日乃得出。

○北條氏侵伊豆，有一村家，臥者二三人，訪之曰：強壯避兵入山，吾等遭疫不能起，故知死而不去也。氏綱下令毋得掠一物，給食予藥而去，里民咸大悅。及後役，豆民服從如歸。

○防州嘗獻草屨于 猷后，曰：照后嘗命戰場之屨云云為妙，臣奉命而習焉，今手製貢一函，有需繼獻焉，蓋冀其通于下情也。

甲篇第七

信虎圍海野城，信濃 成將平賀源心善守精兵三千不可下，時窮陰雲深，廿七日班師。信玄年十六，始蒞師，請殿焉。信虎哂曰：敵必不出矣，何用殿為？固請許之，予